

KANTUNIĆ

MESTO KEDU SU SI NAŠI VERSI
I NAŠE LEPE BESEDI.
MIĆO, VELEGA VALORA I
JENEGA KULORA.
KRVOVEGA KULORA,
KOKO SRCE NAŠEGA KOVARA.

KUS DREVA NA KEN
SU SI NAŠI LIBRETI,
OT SEH NAŠIH LEPI ARTISTI.
KI SU DUŠO DALI VONJEH I
SA SEN SRCEN BESEDI PISALI.

KANTUNIĆ NA KEN SAKI
MORE SEDET I SI LITRATI
DRUGEMI PRIŠTET.
OD SREĆI SUZI LIVAT,
A DUŠO BESEDAMI ZALIVAT.

DA NAN KANTUNIĆ BUDE TU
I DA MIĆEMU OTROKU
BUDE LEPO TU.
ŠKALINI KRVOVI,
VERSI TAKOVI.

LEPI NAŠ KANTUNIĆ,
TI ŽELJIN DA NAN VAJKA
BUDEŠ LEPI KOKO TIĆ.